



Broj: 13-11-4-12882/22

Datum: 03.11.2023. godine

Na osnovu člana 69. stav (3) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98 i 48/99), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o otkazivanju postupka javne nabavke

I

Otkazuje se postupak javne nabavke „Nabavka softvera digitalne arhive, digitalizacije arhivske građe i sistema upravljanja dokumentima“.

II

Za izvršenje ove Odluke zadužuje se Služba za zajedničke poslove Općine Novo Sarajevo.

III

Odluka o otkazivanju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je putem otvorenog postupka na osnovu Odluke Općinskog načelnika broj: 13-11-4-12882/22 od 29.11.2022. godine.

Procijenjena vrijednost javne nabavke sa PDV-om je: 350.000,00 KM (slovima: tristotinepedesethiljada i 00/100 konvertibilnihmaraka).

Obavještenje o javnoj nabavci broj: 935-1-1-285-3-268/22 od 06.12.2022. godine u 16:24 sati poslano je na objavu na Portal javnih nabavki, te ispravka obavještenja broj 935-1-1-285-8-14/23 od 16.01.2023. godine, i 935-1-1-285-8-72/23 od 21.02.2023. godine.

Iz Zapisnika o otvaranju ponuda Komisije za javne nabavke roba, radova i usluga je vidljivo da je dana 06.03.2023. godine pristigla ponuda slijedećeg ponuđača:

Red. broj	Naziv i sjedište ponuđača	Ukupna ponuđena cijena sa PDV-om
1.	CLOUD IT d.o.o. Sarajevo	349.611,21 KM

Dodatno je Komisija za javne nabavke roba, radova i usluga dana 06.03.2023. godine zapisnički konstatovala da je u roku za prijem ponuda na protokol Općine Novo Sarajevo dana 03.03.2023. godine dostavljena koverta označena kao ponuda u predmetnom postupku javne nabavke od strane „Gama System BH“ doo Sarajevo. Na javnom otvaranju ponuda je nakon otvaranja navedene koverta utvrđeno da ista ne sadrži obrazac za ponudu i obrazac cijenu ponude iz kojih dokumenta bi Komisija za javne nabavke roba, radova i usluga mogla saopćiti i zapisnički konstatovati informacije predviđene članom 63. stav 4. Zakona o javnim nabavkama (Službeni glasnik BiH 39/14 i 59/22), kao ni ostalu obaveznu dokumentaciju.

Umjesto ponude u koverti je dostavljen dopis sa priložima e-mail prepiske i drugo. U vezi sa navedenim Komisija za javne nabavke roba, radova i usluga je konstatovala da sadržaj koverta ne predstavlja ponudu na način kako je to definisano Zakonom o javnim nabavkama i podzakonskim aktima.

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

Dana 10.03.2023. godine Općina Novo Sarajevo je od strane Agencije za javne nabavke BiH zaprimila zahtjev za monitoring-praćenje postupka javne nabavke „Nabavka softvera digitalne arhive, digitalizacija arhivske građe i sistema upravljanja dokumentima“.

U vezi sa navedenim zahtjevom dana 17.03.2023. godine, Agenciji za javne nabavke BiH upućeno je izjašnjenje na navode iz zahtjeva, te je evaluacija ponuda prolongirana do okončanja ili dobijanja informacije o rezultatu monitoringa. Period važenja ponude ponuđača CLOUD IT d.o.o. Sarajevo određen je na rok od 90 (devedeset) dana, tačnije do 06.06.2023.godine. Obzirom da je u periodu provođenja monitorniga isteko period važenja ponude ponuđača CLOUD IT d.o.o. Sarajevo, u skladu sa odredbama člana 60. stav 2. Zakona o javnim nabavkama imenovanom je upućen zahtjev za produženjem perioda važenja ponude za dodatnih 30 (trideset) dana, tačnije do 06.07.2023. godine, na što je ponuđač pristao, te je dostavio Aneks 1 bankarske garancije za ozbiljnost ponude. Kako Općina Novo Sarajevo ni u produženom periodu važenja predmetne ponude od strane Agencije za javne nabavke nije zaprimila informaciju u rezultatima praćenja postupka javne nabavke, ponovo je od ponuđača CLOUD IT d.o.o. Sarajevo, zatraženo dodatno produženje perioda važenja ponude na 90 (devedest) dana tačnije do 06.10.2023. godine. Navedeni ponuđač je pristao da produži period važenja ponude, te je obezbijedio produženje garancije za ozbiljnost ponude.

Obzirom da ni u dodatnom periodu važenja ponude od strane Agencije za javne nabavke nije dostavljena informacija o rezultatima praćenja postupka javne nabavke, ponuđaču CLOUD IT d.o.o. Sarajevo je upućen još jedan zahtjev za produženje opcije ponude.

Ponuđač CLOUDIT d.o.o. Sarajevo je ovom organu dana 02.10.2023. godine putem emaila dostavio informaciju da ne pristaje na dodatno produženje perioda važenja dostavljene ponude, što se u skladu sa odredbama Zakona o javnim nabavkama BiH smatra da je ponuđač odbio zahtjev ugovornog organa, te se njegova ponuda ne može razmatrati u daljem toku postupka.

Imajući u vidu sve naprijed navedeno, Komisija za javnu nabavku roba, radova i usluga, jednoglasno je predložila Općinskom načelniku da u skladu sa odredbama člana 69. stav (3) Zakona o javnim nabavkama donese Odluku o otkazivanju postupka javne nabavke radova „Nabavka softvera digitalne arhive, digitalizacije arhivske građe i sistema upravljanja dokumentima“, iz razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Iz navedenih razloga, primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVITI:

1. Cloudit d.o.o. Sarajevo
2. a/a

OPĆINSKI NAČELNIK

Dr. Hasan Tanović



Općina Novo Sarajevo, ulica Zmaja od Bosne br. 55, centralni telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@niovosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

